



Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 17. S. Birgitta Sueca.

[urn:nbn:de:hbz:466:1-66293](#)

optime ab eis habitos esse per triennium Sæcul. XIV.
Romæ, ac in vicinia transactum. Cogi-
mur, addebat, trans montes nos recipe-
re ob negotia non tantum Ecclesiæ uni-
versali utilia, sed & moram nullam fe-
rentia: vosque semper in animo præsen-
tes nostro tenebimus, quamdiu nobis fi-
deles eritis. Dabat 26 Junii.

§. XVII.

S. Birgitta Sueca.

Mense Julio S. Birgitta Sueca Montem
Flasconis venit, ut adiret Papam.
Sub annum 1302 ex una de nobilissi- Bullar. Bo-
mis Sueciæ familiis orta, cum tredecim nif. IX.
annos habens Vulfoni juveni Principi nu- const. 5.
psisset, octo ei liberos peperit: commu-
ni dein consensu continentiam coluere.
Hoc in statu Compostellanum S. Jacobi
templum simul petiere pietatis causa: &
reversi religiosam amplecti vitam statue-
runt ambo. Vulfo, priusquam id face-
ret, decessit. Birgitta vero vidua dupli-
cabat afflictiones corporis, suamque in
pauperes largitatem: & paulo post, nem-
pe sub annum 1344 Vadstenæ in Linco-
piana dicecesi monasterium condidit pro
sexaginta Virginibus, ac viginti quinque
Fratribus Ordinis Augustiniani, quibus
tradidit quasdam constitutiones: coeno-
bio autem nomen a SS. Salvatore indidit.

Q 5

Talis

Sæcul. XIV.

A.C. 1370.

p. 414. 1057.

Rayn. 1370.

n. 9.

Talis erat Birgitta, cum ab Urbano confirmationem suæ regulæ, quam ajebat a Deo sibi dictatam, petiit, ac impetravit. Tum Papæ per Nicolaum Nołae Comitem dici curavit, fore, ut ageret perperam, neque conficeret iter suum, si abiret ex Italia. Præterea Cardinali Bellofordiano, qui postea evasit Papa, præsente Alfonso Episcopo Giennino exposuit, sibi Romæ versanti Beatissimam Virginem indicasse sequentia: Deus vult Papam non egredi ex Italia, sed ibi manere ad mortem usque, sive Romæ, sive alibi. Alioquin, si redibit Avenionem, morietur statim, & de suo agendi modo rationem reddet Deo. Hujus rei notitiam e cœlo haustram Birgitta Cardinali aperuit, ut Urbano eam scripto daret quam secretissime. At illo id facere non auso, sancta vidua ipsa eandem Alfonso manu scriptam Papæ tradidit.

§. XVIII.

Urbanus K obit.

Vitæ p. 392. **412.** Septimo Calendas Septembres Papa Monte Flasconis Castrum Novum venit: ubi hærebat usque ad Nonas Septembres: quibus consensa nave sexto decimo ejusdem mensis Massiliam, & tandem vicesimo quarto Avenionem attigit plaudente populo. Inter Gallorum, Anglo-